

# D9 Anna Maria "Settela" Steinbach

E Settela Steinbach sas ande jek grupa kata 574 Sinti, kaj astarde len taj ande len ando logoro Westerbork. Kote sínde lakê bal aj voj phandas pesko šêro jeka kîrpasa. Ka 19. marto 1944 angêrde la Settela jekhê transportosa ando Auschwitz. Sar line te pîtren le vogonoskê vudara, voj dícolas vorta pa vudar taj pe kodo momento voj fotografirisajli kata o Hugo Breslauer. O Hugo Breslauer sas jek jevrejsko řabo, savo kêrelas jek filmo pe porunka kata logorosko komandanto. Vuni šon palal mundarde la Settela kethane laka dejasa, duje phralenca, duje phejanca, laka bibijasa, lakê duje nepotonca taj laka nepatasa. Kata e bari familija Steinbach preživisardja numa la Settelako dad.



1910

1951

1944

## 💡 Žanglen tumen

...kê but bêrs gîndisarde le manuša kaj kodo patreto síkavel jekh jevrejskî rakloř? Sar „rakloř le dikhlesa“ avili voj jek simbolo palaj dukh le jevrejngi pe vrjama kata njamcongi okupacija.

...kê lako čačo identiteto arakhljla o holandicko žurnalisto, o Aad Wagenaar, tek ando bêš 1994?

## ✎ Tumari bući

Arakhên maj but informacija paj Settela. Dikhên pe [www.romasinti.eu](http://www.romasinti.eu)

## 📷 Paj fotografija

Arxivo kata o memorialo Westerbork/Holandija.



<https://www.romasintigenocide.eu/kalderasch/d>